

Les lum'rètes.

Gaston LUCY Y.J.

La croyance vut ku les lum'rètes (*feux-follets*) ruprèsantat les âmes des afants mwârts sins batème, ki kèrat à fwêre tumer les oumes dins des prècipices, des fagnes, des vivîs, dès rouchês, etc. et antrin.ner insi leus-âmes à l'anfèr.

Iles su tnint dins les prés, les fagnes et partout èyu k'i gn'avot dl' êwe.

Pou s'à mète kite, i falot couru fwârt vite duvant la lum'rète, ramasser ène pîre, la foute à l'êwe et s'coûtchî ossitot. La lum'rète, ki n'wèyot pus rin, mès k'avot atindu tumer yâk à l'êwe, disparèchot.

Lu cî ki wèyot ène lum'rète d'â lon, nu dvot jamwês z-à rire ni l'insulter, sinon, ile fonçot su l'mal'èlvé. On dit k'in djoû, i gn'a n-è yune k'è vnu toker al vite du cî ki l'avot manké. Raclôs dins sa mājjon, i n'la mon.not nin lādje.

Iles vunint toker la figure des oûmes ki trin.nint dins les virées al nute. S'is s'catchint la figure pou n'ni z-esse grètés, iles su mètint à dansi dvant l'oume à criyant : « Pî, Pî, Van, Van ».

Si on ramon.not ou stâle dul litîre du pré et k'i gn'ûje des pîcwanes dudins (*canneberge*), on r'trouvot lu stâle plin d'lum'rètes. Pou s'à mète kite, il falot rèchu toute la litîre, tins d' par nute.

Gaston LUCY

Rutapé pa Louwis Bédjot, lu 11 mars 1999.